

DATUA

Soberako ordezkariak

Gorri-berdeen mesederako suertatu da Alemaniako hauteskunde sistemaren berezitasun bat. Legebiltzarreko aulkien banaketa bigarren bozak —botoemaileak alderdi baten alde egiten duen boza— zehazten du hein handi batean. Lehen bozarekin hautesbarruti bakoitzeko hautagai bana aukeratzen da, eta hautagai hori *Bundestagen* zuzenean sartzen da. Alderdi batek Alemaniako *land* (estatu) batean bigarren bozen bidez lorturiko ehuneko ordezkari gehiago eskuratzen baditu, ordezkariak gorde eta *Bundestage*-ra bidal ditzake. Hauteskunde hauetan, SPDri lau eta CDUri soberako ordezkari-tza bat egokitu zaie.

batez, baina Berdeei esker irabazi azkenean. Koalizioan soilik alde berdea saritu dute botoemaileek. Indarturik sentitzen dira eta erreformaren benetako motore sentitzen dira gobernugintzan. SPDk somatzen du aurrerantzean bere buruaz ziur den bikotekide batekin aritu behar duela, koalizioa osatzeko exijentzia gehiago egingo dituen, laugarren ministro postua, esaterako.

PDS galtzaile nagusia

Berdeak hauteskundeotako benetako irabazleak diren heinean, PDS da galtzaile nagusia. Batez ere ekialdeko Alemanian galdu dute sozialista demokratikoei. Garai latzak ditu aurrean PDSk. Bozetako porrotaren zergatiak non aurkitu ere ez dute argi: Berlin eta Mecklenburgo/Mendebal Pomeraniako gobernuetan eginiko lanaren desengainuan? Edo PDSko botoemaileak oraingo honetan SPDri eta Berdeei eman diete botoa Stoiber geldiarazteko?



KAY NIETFIELD / EPA

Gerhard Schröder sozialdemokrata alderdikideen aurrean, garaipena ospatzen.

GERHARD SCHROEDER (ALEMANIAKO KANTZILERRA)

Une zuzenaren maisua

Martin Beck |

Gerhard Schröderri buruz hamaika pasadizo ezagun dira Alemanian. Haietako bat 80ko urteen hasieran gertatu zen, egungo kantzilerra *Bundestage*ko diputatu gaztea zela. Schröder kantzilerraren egoitzara hurbildu zen eta hesiari helduta oihuka hasi zen: «Nik barruan sartu nahi dut; nik barruan sartu nahi dut!».

Gizon honen ezugarri politiko nagusia ez da konbentzimendu ideologikoa, pragmatismoa baizik. Aldarteetarako usain berezia du, eta keinu eta mugimendu zuzenak egiten ditu une zuzenetan.

Ezaugarri horiek, seguruen, lagundu egin zioten bere jatorri pobreaki aurre egiten, bertatik ihes egiteko. 1944. urtean jaio zen Sch-

roeder, eta Lipperlanden (Westfalia) bizi izan zen, barrakoi pobreen auzoan. «Neuk aterako zaituzte hemendik» esaten omen zion sarreri bere amari, bost ume zituen gerra alarguna. Schröderrek bere promesa horri eutsi dio beti setati. Salmenta ikasketak egin zituen eta eta igeltsero lan egin zuen ikasten segitu ahal izateko. Ondorioz legeak ikasi zituen eta abokatu bulego batean hasi zen lan egiten Hannoverren. Traje dotoreak eta zerbitzuko auto panposoak ibili arren, ez ditu bere jatorriak ahaztu, eta horrek *herri xumearekin* kontaktua galdu ez duenaren aura ematen dio.

70ko urteen amaieran Alderdi Sozialdemokratako gazteen presidente bihurtu zen Schröder. *Jusoek* ezkerrera egin zuten lehena, baina berak berriro ere alderdi nagusiaren ildo ideologikora itzularazi zituen.

1980. urtean *Bundestage*ko diputatu aukeratu zuten. Sei urte geroago Behe Saxoniako SPDri lagundu zion buru gisa aurrera egiten, baina ez zen nahikoa izan garaitzeko. 1990ko bozetan lortu zuen hori, azkenean. Schröderren SPD alderdi indartsuena izan zen, eta koalizio gorri berdea osatu zen *land* horretan. Schröder hurrengo bi hauteskundeetan aukeratu zuten berriro, beti ere gehiago abso-lutuarekin.

Behe Saxonian azpilanean hasi zen Schröder. Enpresa eta ekonomia munduko jende-ez inguratu zen. Garai horretatik datorkio *Ugazaben Borrokakidea* izena. SPDko kideen irudi klasikoarekin hautsi eta bere *Neute Mitte* —Zentro Berria— kontzeptua saltzen hasi zen, eta horrela Helmut Kohl kantzilerrari aurre egin zion 1998ko hauteskundeetan. «Irabazteko herriaren sostengua behar dugu, herriari heldu behar diogu, eta ez alderdiari», esan zuen. Ondorioa: 1998an kantziler federala izan zen, eta Berdeekin batera Helmut Kohlen 16 urteko agintaldia etetea lortu zuen. Horrekin garai berri bat hasi zuen Schröderrek. Egun, gerra osteko benetako lehen kantzilerra deitu ahal zaio.



Egunkaria

Negua ilun dator

- Hotzari aurre egiteko ehunak
- Udazken eta negurako bederatzi jantzi
- Osagarri eta apaingarriak
- Negurako joerarik sonatuenak
- Elkarriketak:
 - Harkaitz eta Rakel ile-apaintzaileak
 - Leire Santillan euskal diseinatzailea
- Makillajea
- Gizonezkoen moda, kirol moda, haurren moda
- 'Vintage' estiloa